





CARPE

Carpinus betulus

SABÍAS QUE...? A follaxe desta especie, a pesares de ser caduca, perdura na árbore moito tempo, chegando a convivir as follas máis antigas coas máis novas.

É un Carpinus nativo do oeste, centro e sur de Europa, estendéndose tan ao oriente como o oeste de Rusia e Ucraína. Require un clima tépedo para bo crecemento, só a elevacións por riba dos 600 m. Medra mesturado con Quercus, e nalgunhas áreas con Fagus, e é unha árbore común en bosques degradados.

Nome común: Carpe (cast.); Carpe (gal.); European hornbeam, Common hornbeam (ing.).

Etimoloxía:

- · Carpinus: era o nome co que os romanos designaban ao carpe e á súa madeira
- · betulus: alude á súa semellanza co bidueiro, Betula, que pertence á mesma familia

Descrición da especie: Árbore pequena-mediana de folla caduca de ata 25 m, de cortiza grisácea, tronco sinuoso, coma se posuíse musculación, e ramiñas novas pelosas. As follas son alternas, con prominentes veas dando un corrugado distintivo, e marxes serrados semellantes ás do olmo, pero simétricas. As flores masculinas e as femininas nacen por separado en grupos colgantes na primavera. As primeiras para facilitar a dispersión do pole polo vento. Os amentos aparecen en maio despois das follas. O froito é unha pequena e longa noz, parcialmente envolta por trifoliolos e o involucro madura no outono. As sementes frecuentemente non xerminan ata a primavera do segundo ano despois de sementala. É un prolífico sementeiro e ten unha vigorosa rexeneración natural.



